

玉函山房輯佚書

玉函山房輯佚書目

春秋類

春秋大傳一卷

春秋決事一卷

公羊嚴氏春秋一卷

漢嚴彭祖

春秋公羊顏氏記一卷

漢顏安樂

春秋穀梁傳尹氏章句一卷

漢尹更始

春秋穀梁傳說一卷

漢劉向

春秋左傳劉氏注一卷

漢劉歆

春秋牒例章句一卷

後漢鄭衆

春秋左氏傳解詁四卷

後漢賈逵

春秋左氏長經一卷

後漢賈逵

春秋三傳異同說一卷

後漢馬融

解疑論一卷

後漢戴宏

春秋公羊文諡例一卷

後漢何休

春秋左傳解詁四卷

後漢服虔

春秋成長義

左氏膏肓釋病

並服虔附解詁後

春秋釋例一卷

後漢潁容

左氏奇說一卷

後漢彭汪

春秋左傳許氏注一卷

後漢許淑

春秋左氏傳章句一卷

魏董遇

春秋左傳王氏注一卷

魏王肅

春秋左傳嵇氏音一卷

魏嵇康

春秋穀梁傳麋氏注一卷

魏麋信

春秋公羊穀梁傳解詁一卷

晉劉兆

春秋左氏傳義注一卷

晉孫毓

春秋公羊穀梁二傳評一卷 晉江熙

春秋穀梁傳徐氏注一卷 晉徐乾

春秋土地名一卷 晉京相璠

春秋穀梁傳義注一卷 晉徐邈

春秋左傳徐氏音一卷 晉徐邈

春秋左氏傳函義一卷 晉干寶

答薄叔元問穀梁義一卷 晉范甯

春秋穀梁傳鄭氏說一卷 晉鄭嗣

春秋左氏經傳義略一卷 陳沈文阿

續春秋左氏經傳義略一卷

陳王元規

春秋傳駁一卷

後魏賈思同撰秦道靜述

春秋左氏傳義疏一卷

蘇寬

春秋述義二卷

隋劉炫

春秋規過二卷

隋劉炫

春秋攻昧一卷

隋劉炫

春秋井田記一卷

春秋集傳一卷

唐啖助

春秋闡微纂類義統一卷

唐趙匡

春秋通例一卷

唐陸希聲

春秋折衷論一卷

唐陳岳

春秋左氏傳解詁卷三

宣公左氏傳解詁

元年

三月遂以夫人婦姜至自齊

古者一禮不備貞女不從故詩云雖速我訟亦不
女從宣公旣以喪娶夫人從亦非禮故不稱氏見

略賤之也

正義

楚子鄭人侵陳遂侵宋晉趙盾帥師救陳

趙盾旣救陳而楚師侵宋趙盾欲救宋而楚師解

去

正義

遇于北林

北林鄭南地也

水經注卷二十二

二年

見叔牂日子之馬然也對曰非馬也其人也既合而
來奔

賈逵云叔牂宋守門大夫華元既見叔牂牂謂華
元曰子見獲於鄭者是由子之馬使然也華元對
曰非馬自奔也其人爲之也謂羊斟驅入鄭也奔

走也言宋人贖我之事既和合而我卽來奔耳鄭
衆云叔牂卽羊斟也在先得歸華元見叔牂牂卽
誣之曰奔入鄭軍者子之馬然也非我也華元對
曰非馬也其人也言是女驅之耳叔牂旣與華元
合語而卽來奔矣又一說叔牂宋人見宋以馬贖
華元謂元以贖得歸謂元曰子之得來當以馬贖
故然華元曰非馬也其人也言己不由馬贖自以
人事來耳贖事旣合而我卽來奔

正義云服虔載三說

于思于思

白頭貌

詩小雅瓠葉正義

宰夫胹熊蹯不熟

蹯熊掌其肉難熟

史記晉世家集解

使鉏麇

鉏麇晉力士

史記晉世家集解

遂跣以下

正義云服虔本扶作跣釋文云服虔注作跣

跣先典反徒跣也

釋文

趙盾徒跣而下走

正義

公啖夫獒焉

釋文啖服本亦作啖但訓啖爲啖耳正義則服本亦作啖但訓啖爲啖耳

啖啖也夫語辭獒犬名公乃啖夫獒使之噬盾也

正義

宦三年矣

宦官學士也

史記晉世家集解 禮記曲禮正義引作宦學也

問其名居不告而退遂自亡也

不望報

史記晉世家集解

趙宣子古之良大夫也爲法受惡

聞義則服

同上

初驪姬之亂詛無畜羣公子自是晉無公族

驪姬與獻公及諸大夫詛無畜羣公子欲令其二

子專國

正義

請以括爲公族大夫

公族大夫

史記晉世家解

冬趙盾爲軫車之族

軫車戎車之倖

詩魏風汾沮洳正義

三年

春王正月郊牛之口傷改卜牛牛死乃不郊

郊祀裘冕送逆尸

禮記郊特牲正義

楚子伐陸渾之戎遂至于雒觀兵于周疆

據注雒當作洛

陸渾戎在洛西南觀兵陳兵示周也

史記宋世家集解

王使王孫滿勞楚子

以郊勞禮迎之也

史記楚世家集解

貢金九牧

使九州之牧貢金

同上

魑魅魍魎莫能逢之

據注螭作魑周兩作魑魍

魑山神獸狀魑魅怪物魑魍木石之怪

周禮春官家宗人疏

文公報鄭子之妃曰陳嬀

鄭子文公叔父子儀也報復也淫親屬之妻曰報

詩邶風雄雉正義

四年

子公之食指動

食指第二指

史記鄭世家集解

俗所謂曉鹽指也

正義

又射汰輶以貫笠轂

笠轂轂之蓋如笠所以蔽轂上以禦矢也一日車

轂上鐵也或曰兵車旁幔輪謂之笠轂

正義

九年

公孫歸父如齊

歸父襄仲之子

史記魯世家集解

十有一年

令尹薦艾獵城沂

艾獵薦賈之子孫叔敖也

正義

十有二年

先穀佐之

食采於旻

正義

韓厥爲司馬

厥韓萬立孫

正義引服虔杜預

觀覺而動

覺間也

釋文

周易有之在師之臨

坎爲水坤爲象又互體震震爲雷雷鼓類又爲長
子長子帥衆鳴鼓巡水而行行師之象也臨兌爲
澤坤爲地居地而俯視於澤臨下之義故名爲臨

正義

果遇必敗彘子尸之

主此禍也又易卦六五長子帥師弟子與師凶